

增修詩話總龜

一

增修詩話
摠龜

四部叢刊初編集部

詩話總龜叙



詩昉關雎詩話即裨官野史之類
自王迹熄而詩寔微變至於漢魏
極於盛唐其遺韻餘音直將與宇
宙間山川為流峙也漢藝文志註
裨為細糲王者欲知閭巷細瑣之
言故立裨官關繫殆亦不小

淮伯王月自嗜古學文其志慕東平
河間而歆相揖遜于異代者宮暇
廼取阮子詩話總龜廼庠生程琬
校讐之命工刊布致言于予以叙
諸首予披而閱之詩之有話言有
繇也詩話以總龜名言有統也龜
千年五聚問無不知賀知章昔以
為殷踐猷博學之號阮子之詩話
其殆謂博而足以資問者歟阮子

舊集頗襍

王條而約之彙次有義芬結可尋
首觀其聖製等篇破魯恭之壁科
斗錯陳也次觀其咏物等目浴玉
池之日百寶爭出也又次觀其藝
術紀實諸例發驪山之塚而昇鼎
鼐也終而觀其識夢鬼神諸簡
然牛渚之犀而幽恠又無以遜其
形也夫殷之博以韻學而成名阮
之博蓋勤諸詩興緒言而有得者
王約其博合二家而一之又不可
以徒事於博語者其何以見之哉
見之于凡例矣是則可嘉也是為
序

賜進士第中憲大夫奉

勅整飭山東海道副使柳陽李易書

詩話總龜序

白川子負譴嬰疾分牧芝城居常
怏怏弗樂也迺

月窓殿下時時遣貴侍覘之間授
二冊曰是爲詩話總龜是爲宋阮
一閱所編是爲今程子琬所校是
將壽諸文梓期與好事者共先生
能無言乎余拜而受之枕次快閱
曰佳哉

月窓其披寶藏而璆琳琅玕畢集
吾目邪其展武庫而戈矛劒戟震
駭我心邪其過陶朱猗頓之室百
物充溢足以極急而切需者邪是
富且奇也夫詩胡爲者也宣鬱達
情擷菁登碩者也夫話胡爲者也
摘英指類標理斥迷者也考諸三

代而下春秋列國以上載諸經雜
出乎詞宗孺婦之口可徵已嗣是
以來作者非一家不能指而數也
議者非一喙不能群而聒也譬之
鳳毛豹斑非不文彩炫耀望者興
歎有遺恨焉蓋未獲總其龜耳今
月窓迺能逸塵遠覽訂古準今與
二三博雅君子冥羅約採彙爲全
書書有門示別也有類示同也有
序示次也若有勸有規有慨有慕
有願學之意則皆置之不言之表
而亦昭昭然灼灼然無言而無弗
言孔子曰其義則某竊取之矣佳
哉月窓之用心也昔河間以禮樂
名東平以樂善著咸垂光汗青馨
香帝胄至求述作槩乎未之前聞

月聰孝友不凡文藝雋拔而又嗜
好清絕如此方之二王得無過乎
是書也我

國家宗室之盛

皇上風化之隆賢士夫裁正之畧並
可仰見刻之宜書九九十八卷

月聰爲我

高皇六世孫程琬修學楚楚郡博第
子員番陽人

嘉靖甲辰孟秋奉直大夫江西饒
州府同知前進士南京刑部郎中
海鹽白川張嘉秀撰

集一百家詩話總目

陶岳零陵總記

曹什湖湘故事

趙璘因話錄

吳感大定錄

胡戢泗上傳

盧氏雜說

唐李石別傳

劉約拾遺

雍洛靈異記

鄭祭開元傳信記

大業拾遺記

廣卓異記

歐陽靖撰遺

東觀奏事

金陵語錄

劉禹錫佳話

錢思公達辰錄

談藪國史雜記

張靚雅言雜載

劉忠叟樂府集

世說

畢田湘中故事

韓魏公別錄

李康靖見聞錄

搜神秘覽

金華瀛洲錄

南部新書

江鄰幾雜誌

明皇雜記

盧瓌杼情

洛陽緝紳舊聞

王幾通勉志

西安虞介唐宋遺史

宋舍人春明退朝錄

蔡寬夫詩史

張固幽閑鼓吹

御史臺記

啓願錄

文瑩玉壺清話

王舉雅言系述

錢公思金坡餘事

野人閒話

張鷟朝野僉載

鑑誠錄

洛陽舊聞

閒居詩話

范內翰東齋錄

唐史拾遺

柳公權小說舊聞

有宋佳話

劉斧翰府名談

錢希白洞微志

王子年拾遺記

趙叔平見聞錄

靈異錄

沈汾續仙傳

朱定國續歸田錄

博異志

鄭工部南唐近事

盧肇遺史

郡閣雅談

桂堂閑話

曾龍圖詩話

洛陽詩話

楊妃外傳

古今詩話

劉貢父詩話

歐陽公詩話

玉堂閑話

陸說後集

張君房勝說

北夢瑣言

青瑣後集

龍衮江南野錄

李元文雲齋廣錄

桂苑叢談

周後人據言

葛稚川西京雜記

范攄雲谿友議

楊文公談苑

孟榮本事詩

文瑩湘山野錄

吳處厚青箱雜記

沈存中筆談

劉斧據遺

倦遊錄

太平廣記

幽怪錄

青瑣集

異聞集

百斛明珠

王直方詩話

遜齋閒覽

玉局文

雜誌

紀詩

大唐記

志逸

冷齋夜話

碧溪詩話

集一百家詩話總目

增修詩話總龜分門目錄

第一卷

聖製

忠義

諷諭

第二卷

達理

博識

幼敏

第三卷

志氣

知遇

狂放

第四卷

詩進

稱賞

第五卷

自薦

投獻

評論

第六卷

評論二

第七卷

評論三

第八卷

評論四

第九卷

評論五

第十卷

雅什上

第十一卷

雅什下

苦吟

第十二卷

警句上

第十三卷

警句中

第十四卷

警句下

第十五卷

留題上

第十六卷

留題下

第十七卷

紀實上

第十八卷

紀實中

第十九卷

紀實下

第二十卷

詠物上

第二十一卷

詠物下

第二十二卷

宴遊

第二十三卷

寓情

第二十四卷

感事上

第二十五卷

感事下

第二十六卷

寄贈上

第二十七卷

書事

第二十八卷

故事

第二十九卷

詩累

正訛

第三十卷

道僧

第三十一卷

詩識上

第三十二卷

詩識下

第三十三卷

紀夢上

第三十四卷

紀夢下

第三十五卷

讖語上

第三十六卷

讖語中

第三十七卷

讖語下

第三十八卷

恢諧上

第三十九卷

恢諧下

第四十卷

樂府

第四十一卷

送別

第四十二卷

怨嘆

第四十三卷

傷悼

第四十四卷

隱逸

神仙上

第四十五卷

神仙下

第四十六卷

藝術

俳優

奇怪上

第四十七卷

奇怪下

鬼神上

第四十八卷

鬼神下

佞媚

琢句

增修詩話總龜分門目錄終

增修詩話總龜卷之一

甲集

龍舒散翁阮一閱宏休編

皇明宗室月窓道人刊

鄱陽亭梧程琬舜用校

聖製

太宗好文進士及第賜文喜宴常作詩贈之景祐朝因以

為故事仁宗在位四十二年賜詩尤多然不必盡上

所作景祐元年賜詩落句云寒儒逢景運報德合如何

論者謂質厚宏壯真詔旨也貢父詩話

李文正昉太祖在周朝已知其姓及即位用以為相嘗

語文正曰卿在周朝未曾傾陷人可謂善人君子故

太宗遇之亦厚年老罷相每內宴必先赴坐嘗獻詩曰

微臣自愧頭如雪也向鈞天侍玉皇太宗和之以賜

曰珍重老臣純不已我慚寡昧繼三皇為時之美傳青

雜記又說花玉壺清
薛皆謂是家廟制

呂正惠端太宗朝為參知政事多獨對便殿語必移刻

因宴後苑上釣魚詩斷句云欲餌金鉤殊未達磻溪須

問釣魚人意已屬公矣公和詩進曰愚臣釣魚難堪用

宜用濠梁結網人不數日拜平章事詩史又古今詩話
謂正惠已作戶部

侍即平章事時曰文穆家正
台老甚切因此詩遂冠台席

福唐蔡伯禧四歲對真宗誦書授校書郎春官伴讀齒

猶未三周故曰三歲神童賜之詩曰七閩山水多才俊

三歲奇童出盛時家世應傳清白訓嬰兒自得老成資
初嘗學步來朝謁方及能言解誦詩更勵孜孜圖進益
青雲千里有前期續田錄

蘇易簡在翰林太宗一日召對賜酒甚歡暢曰君臣千

載遇蘇應聲曰忠孝二生心太宗大悅以所御金器

盡席賜之概遺

夏侯嘉正好爐火仍以不得兩制為恨太宗御撲觀燈

進詩十韻末句云兩制誠堪羨青雲侍玉輿太宗和

賜曰薄德終難舉通才例上居嘉正嘗曰使我得水銀

半兩知制誥一日平生足矣二願俱不遂而卒玉壺
清話

李廷臣官於瓊館有夷人雙錦臂條上織成一聯云恩袍

草色動仙籍挂香浮乃仁廟朝賜進士及第舉人詩

也廷臣以千金易之藏為珍寶青瑣集

忠義

張巡守睢陽明皇已幸蜀胡羯方熾城孤勢促人食竭以

絁布切煮而食之時以茶汁和食而意自如其謝金吾

將軍表曰想峨眉之碧峰遊豫西蜀追綠耳於元圃保

壽南山逆賊祿山戮殺黎獻腫腥闕廷臣被圍四十九

日凡三十二有餘戰主辱臣死迺臣致命之時惡殺罪

盈是賊滅亡之日忠勇如此激厲壯士嘗賦詩曰接戰

春來苦孤城日漸危合圍伴月暈分中効魚麗屢屢黃

塵起時將白羽揮畏瘡猶出陣飲血更登陣忠信應難

敵堅誠自不移無人報天子心計欲何施又夜聞笛曰
崑崙試一歸虜騎附城陰不辨風塵色安知天地心營
聞星月近戰苦陣雲深旦夕更樓上遙聞橫笛聲
趙師旦潛叔皇祐中守康州僕賊犯城死於是士大夫作
詩者衆而元厚之李擇思中詩最佳元詩云轉戰譙門
日再晡空拳由自冒戈身垂虎口方安坐命弃鴻毛
更疾呼挂下杲卿存斷節袴間杵曰得遺孤可憐三尺
英雄氣不愧西山士大夫李詩云賊壯兵孤衆膽驚忠
臣此日見專城負君罪太寧如死守土城堅不問生報
國存心惟自愧呼天壯氣幾時平潺湲多少英雄淚千
古封江不斷聲

雲齋廣錄

王維字摩詰天寶末祿山陷兩京明皇出幸維扈從不及
爲賊所得維服藥取利僞稱瘡病祿山素憐之遣人迎
置洛陽拘於普施寺迫以僞命祿山宴其徒於凝碧宮
其樂乃梨園弟子教坊工人維聞之悲惻潛爲詩曰萬
戶傷心生野烟百官何日再朝天秋槐花落空官裏疑
碧池頭奏管絃賊平陷賊官者三等定罪維以疑碧詩
聞于行在肅宗嘉之特宥之授太子中允劉約翰道

晉天福三年與戎和晉祖曰當遣輔相爲使趙瑩維翰
同堂皆未言以戎雖通好而反覆難測咸懼於將命馮
道與諸公中書食訖分廳堂吏前白道言北使事吏人
色變手顫道索紙一幅書云道去即遣寫勅屬吏泣下

道遣人語妻子不復歸家舍都亭驛不數日即行晉祖
餞語以家國之故煩耆德使遠自酌卮酒飲之虜以道
有重名欲留之命與其國相同列所賜皆等戎賜臣下
以牙笏及鴈月賜牛頭皆爲殊禮道皆得之以詩謝云
牛頭偏得賜象笏更容持戎甚喜潛諭留之道曰兩朝
皆臣豈有分別賜悉市薪炭云北地寒老年不堪及還
京師作詩五章以述北使之意其首章云去年今日奉
皇華只爲朝廷不爲家殿上一盃天子泣門前雙節國
人嗟龍荒冬往時時雪免苑春歸處處花下一行如
骨肉幾人身死掩風沙虜中大寒賜錦襖貂裘手孤貂
衾各一每入謁悉服四襖衣宿館中併覆三衾詩曰朝

披四襖專藏手夜蓋三衾怕露頭叢死

劉吉江左人有膂力尚氣事李煜爲傳詔承旨以忠於所
奉歸朝供奉官以知河渠利害委以八作務太平興國
中河大決吉護之與工夫同甘苦使者至訪言不獲甚
怒乃着皂短布褐獨負二囊土爲先導從吏無敢言使
者密訪得之歸奏仁宗厚賜之內侍石全振領河堤
甚苛急自謂石爆裂嘗侮言言不與校一日吉乘小艇
督役至中流語石曰公恃貴近見凌甚不畏死當與公
同見河伯遂蕩舟覆之全振乞命號泣乃止不復敢侵
吉吉本燕薊人自受李氏恩常分祿以濟其子孫朔望
必拜李煜真雖童幼必拜之執臣僚之禮後爲崇儀使

其刺字謂吳中親舊題僧寺驛亭皆自稱以南人不忘本也有詩三百首目爲釣鰲集徐鉉爲序其首篇隱者詩曰一箭不中鵠五湖歸釣魚人多誦之以塞河有方略人目爲劉跋河名塞河上同前

諷諭門

太平興國中李繼遷以西夏叛朝廷與師剪伐追十年餘至咸平末猖獗愈盛寇陷邊境章聖以西民疲於輸餽有厭兵之意而無名以罷師代議者益紛紜未決事固秘密未聞於外處士种放山中有詩云胡雛負恩信聖主耻干戈章聖聞之歎美且愜素志即遣使齎詔召至授左司諫直昭文館會景德初邊臣奏李繼遷死其子阿移即德明也願納款遂罷兵放隱終南山累詔不起至拜官復歸終于工部侍郎諡逸

淳化中合州貢桃花太甚小而性急常馴擾于御榻之側每坐朝犬必掉尾先吠人乃肅然太宗不豫此犬不食及上仙號呼涕泗瘦瘠章聖初即位左右引令前導鳴吠徘徊意若不忌章聖令諭以奉陵即搖尾飲食如故詔造大鐵籠施素柙置園簿中行路見者流涕李至作桃花犬歌以寄史官錢若水末句云白麟亦鳳且勿喜願君書此懲浮俗古今詩話

章聖幸汾陰回望林嶺間亭檻幽絕意非民俗所居時魏野方教鶴舞俄報有中使至抱琴踰垣而走後趙萊公

鎮洛凡三遷不至萊公暇日寫刺訪之野服葛巾布袍長揖萊公禮甚平簡頃之議論騷雅相得甚歡將別謂萊公曰盛刺不復還留爲山家之寶萊公再秉鈞軸野常游門下顧遇之禮優異等倫一日獻詩曰好去上天辭富貴却來平地作神僊萊公得詩不悅自是禮日益薄即辭去後二年貶道州每題前詩於窓朝夕吟哦之王文正公旦在中書僅二十年魏野贈詩曰聖朝宰相年年出公在中書十四秋西祀東封今已畢可能來伴赤松遊公袖書以進累表求退不許青箱雜錄

別本云昔時宰相年年出公在中書十一秋西祀東封俱已了如今好逐赤松遊

治平中有吉州吉水令忘其姓名治邑嚴酷有野人馬道爲啄木詩諷之曰翠翎迎日動紅嘴響烟蘿不顧泥丸及唯貪得食多纔離枯朽木又上最高柯具楚園林闕忙忙爭奈何令見其詩稍緩刑時人目曰馬啄木編謔蔡君謨守福唐政尚嚴肅陳烈先生過福唐維丹溪亭留詩於亭上曰溪山龍虎蟠溪水鼓角喧中宵鄉夢破六月夜寒風雨生殘木蛟螭喜怒瀾殷勤告舟子放棹過前灘亭吏錄以呈公公遽令追之已不及矣公自此爲之少霽威明同前

范希文有贈釣者詩曰江上往來入盡愛鱸魚美君看一葉舟出沒風濤裏觀競渡詩曰小艇破濤去旁觀亦損

神他年在地無忽險中人皆不徒作也同前

宜春王從謙李璟之第九子好學善爲詩璟於苑中與宰相奕棋從謙在焉令賦觀棋詩曰竹林二君子盡日意沉吟相對雖無語爭先各有心恃強知易失守分固難侵若筆機籌屢滄溟想未深

楊玢請夫虞卿之曾孫也仕僞蜀王建至顯官隨王衍歸後以老得工部尚書致仕歸長安舊居多爲鄰里侵

占子弟欲詣府訪其事以狀白玢玢批紙尾云四鄰侵我我從伊畢竟須思未有時試上含元殿基望秋風未忝正離離子弟不復敢言談苑

舒王得請金陵門下有人賣魚一日放魚有門生獻詩云直須自向他邊看今日誰非鄭校人公誦久之詩史

蔣貽恭雜詩云辛勤得繭不盈筐燈下繰絲恨更長着處不知求處苦但貪身上繡衣裳古今詩話

華山鄭雲叟有傷時一絕云帆力劈開滄海浪馬蹄踏盡亂山青浮名浮利濃如酒醉得人心死不醒又贈霍山

秦道士云老鴟啼損伴採芝有時長嘆獨後時翠蛾紅粉嬋娟劍殺盡世人不知同前

宋齊丘江南二世爲宰相璟尤愛其才然知其不正一日於華林園試小妓羯鼓召齊丘同宴齊丘獻詩曰切斷

牙床鏤紫金最宜平穩玉槽深因逢淑景開佳宴爲出花奴奏雅音掌底輕琤孤鶴噪枝頭乾快亂蟬吟開元

天子曾如此今日將軍好用心同前

唐李日知爲黃門侍郎安樂公主池館新成中宗臨幸從官預宴賦詩日知尤存規戒其卒篇云所願暫思居者佚莫使時稱作者勞

廬江門族甲於天下舉進士二十上不第爲一絕云惆悵興亡係綺羅世人猶自選青娥越王解破夫差國一箇西施已是多同前

范文正公言勁節知無不言仁廟朝數出外補梅聖俞作咏木詩以見意曰咏盡林中靈未肯出林飛不識黃金彈雙翎墮落暉同前

夏英公慶曆中欲真拜以言者罷除使相知南京到任以二詩寄執政云造化平分荷大鈞腰間新佩玉琪璘南

湖不住栽桃李擬狎沙鷗過十春海鴈橋邊春水深略無塵王到花陰忘機不取人知否自有江鷗信此心復

徙西都張昇知諫院作青雀詩寄之曰弱羽傷弓尚未完孤飛誰敢擬驚鷺明珠自有千金價莫爲遊人作彈

丸昇卒不敢言及之同前

于漬爲詩頗于教化對花詩云花開蝶滿枝花謝蝶還希惟有舊巢燕主人貧亦歸又有唐備者與漬同聲咸多

此諷有詩曰天若無雪霜青松不如草地若無山川何人重平道題道傍水云狂風拔倒樹樹倒根已露上有數枝勝青青猶未悟又曰一日天無風四溟波盡息人

心風不吹波浪高百尺盧環抒情

西京端正木去馬嵬一驛德宗幸奉天觀其蔽地錫以美名後有文士題之曰昔日偏霑雨露恩德皇西幸賜佳名馬嵬此去無多地好何楊妃塚上生同前

羅鄴工詩春遊鬱然有懷云芳草如烟處處青開門要地一時生年來檢點人間事惟有春風不世情春兩詩云蕪風颯颯洒皇州能帶輕寒阻勝遊昨夜五侯池館裏佳人驚覺爲花愁同前

信宗幸蜀詞人題於馬嵬驛云馬嵬烟柳正依依重見鑾輿幸蜀歸泉下阿蠻應有語這回休更泥楊妃或云狄侍郎歸昌詩同前鑑戒錄云是羅隱詩

盧常侍鈺牧廬江日郡職曹先生悅營妓丹靄者廬沮不許會饒客短亭曹獻詩曰拜玉亭間送客忙此時孤恨感離鄉尋思往歲絕纓事肯向朱門泣夜長廬演爲長句和而勉之曰翠眉交飛百舌忙祖亭聞樂倍思鄉樽前有恨慚卑宦席上無憀愛艷粧莫爲狂花迷眼界須求真理定心王遊鋒採掇何時已私恐多言議短長廬懷抒情

李羽能詩五十方擢第嘗獻江淮郡守詩曰塞詔東來肥水濱時情惟望東陶鈞將軍一陣爲功業忍見沙場百戰入蓋郡守廬公一舉及第南唐近事

景祐中羌人叛西方用兵朝廷求草澤遺逸士多獻方略

自銜當率皆得官其下材無能往往過望亦有挾持顏頰缺望不服者嘗有人題關西驛舍爲詩曰孤星熒熒照寒野漢馬蕭蕭五陵下廟堂不肯用奇謀天下徒勞聘賢者萬里危機入燕劍八方殺氣衝靈君逢時還似不逢時已矣吾生真苟且東齊錄

汪自能爲文章有手雜詞詩意高古刺讖中時病云完垣補牆缺端已斷斷屢穿屢完屢亦虧汪氏宦不達其他著述不甚留傳

唐文宗曰嘗觀晉君臣以夷曠致傾覆當時卿大夫過取李石曰然古詩有之人生不滿百常懷千歲憂畏不達也晝短苦夜長間時多也何不秉燭遊勸之照也臣願捐軀命濟國家惟陛下鑑照不惑則安人強國其庶幾乎鑑誠錄

余在黃州與陳慥李常往來每過佳之際輒作泣字韻詩一篇李常不禁殺故以此諷之李常既不復殺而里中皆化之至有不食肉者皆云未死神已泣此語使人悽然百斛明珠

盧承丘長沙人被褐居吳芙蓉山常著文爲芙蓉集作落韻詩雖一時諷罵聞者亦可爲戒題花鈿云傳粉銷金剪翠霞黛烟濃處貼鉛華也知曾伴姮娥咲將來村裏賣誰家又題渡頭船云刻木功成濟往還古溪錢照下前山看看向晚人來少猶自須來覓見錢年八十卒於

所居雅言系迷

東坡云在穎時陳無已趙德麟輩適亦守官於彼而歐陽叔弼與李默亦又居間日相唱和而二歐頗不作詩東坡以句挑之云君家文律冠西京旋然詩壇按酒兵袖手莫欺真將種致師須得老門生明朝鄭伯降誰受昨夜條侯壁已驚從此醉翁天下樂還須一舉百觴傾蓋爲文忠公昔有詩贈梅聖俞蘇子美云我亦願助勇鼓旗噪其旁快哉天下樂一噉百觴也王直方詩話

景祐中華州張源作絕句云太公年登八十餘文王一見便同車如今若向江邊釣也被官中配看魚吟此詩畢入夏州其後元昊及關中有兵者六七年不解源作是詩以叛去亦足爲戒東齋錄

李清臣北都人方束髮則才俊詞句驚人一日薄遊鄭州時韓公爲帥因往見其大祝吏報曰大祝方寢遂求筆爲詩一絕書于刺授其吏曰大祝覺則投之詩云公子衆閒卧綠厨白衣老吏慢寒儒不知夢見周公否曾說當年吐哺無青瑣集

聶夷中公子詩云種花於西園花發青樓道花下一禾生去之爲惡草有三百篇之旨

章子厚謫雷州過小貴州南山寺有僧奉忠子厚見之已而倚檻看層雲曰雲多奇峰真善比類忠曰曾記夏雲詩其奇曰如風如火復如綿飛過微陰落檻前大地生

靈乾欲死不成霖雨謾遮天

太祖問罪江南李後主用謀臣計欲拒王師法眼禪師觀牡丹於大內作偈諷曰擁毳對芳叢由來趣不同髮從今日白花是去年紅艷曳隨朝露馨香逐晚風何須待零落然後始知空後主不省王師渡江

增修詩話總龜卷之一

增修詩話總龜卷之二

達理門

世傳馮瀛王詩有曰窮達皆由命何勞發歎聲但知行好事莫要問前程去水須津春來草自生請公觀此理天道甚分明又曰莫爲危時便愴神前程往往有期因須知海嶽歸明主未必乾坤陷吉人道德幾時曾去世舟車何處不通津但教方寸無諸惡狼虎叢中也立身達者之言也青箱雜記

張文定公齊賢嘗作詩自戒并貽子孫曰慎言渾不畏忌事又何妨國法須遵守人非莫舉揚無私仍克已直道更和光此箇如端的天應降吉祥余廣爲八詩其一曰慎言渾不畏言出患常隨須信樞機發寧容駟馬追三緘事可見兩古業當知言是起羞本憑公且再思其二曰忌事又何妨勿令心火揚火揚猶可滅心忿固多傷堪嘆波羅密可憐波利王從心更從刀字意好消詳其三曰國法須遵守金科盡詔條一毫如有犯三尺不相饒豈用誇奸黠何須恃貴驕自然逢吉慶神理亦昭昭其四曰人非莫舉揚萬事且包藏殿上涎須掩車中吐不妨在他誠所短於己有何長須是常拘檢回頭自思量其五曰無私仍克己已又無私二事兼修飭終身在省思公清多歛怨高亢易招危更切循卑退方應履坦夷其六曰直道更和光雙修譽乃彰直須和輔助和

乃直交相持直終多件偏和又少剛能和又能直行已自芬芳其七曰此個真端的除非六句脩求爲几技誠更遺子孫謀本立方生道農勤乃有秋茲詩須淺近至理可推求其八曰天應降吉祥天理本茫茫舒慘須無定榮枯却有常益謙充効驗福善更昭彰龍絡無踈漏恢恢四網張同前

王文惠公隨深悟性理臨終作詩曰畫堂燈欲滅彈指向誰說去住本尋常春風掃殘雪同前

謝諫議臨捐館作詩云平生功業數張紙千古英雄一窖塵何似從來周孔教解將仁義浸生民見聞錄

皎然禪師贈吳馮處士詩云世人不知心是道只言道在他方妙還如瞽者望長安室在東南向西笑東坡代答

曰寒時便具熱時風飢漢那知食藥功莫怪禪師向西笑緣師身在長安東百斛文

陶淵明飲酒詩云暮養千金軀臨化消其寶寶不過軀軀化則寶亡夫人言靖節不知道吾不信也

余與郭生遊寒溪主簿具亮置酒郭生善作挽歌酒酣發聲座爲凄然郭生言恨無佳詞因爲略改樂天寒食詩

歌之坐客有泣者其詞曰鳥啼鴉噪昏喬木清明寒食誰家哭風吹曠野紙錢飛古墓疊疊春草綠棠梨花映

白楊路盡是死生離別處冥漠重泉哭不聞蕭蕭暮雨人歸去每句雜以散聲

人間無漏仙兀兀三盃酒世上無眼禪春一覺睡雖然
無交涉其奈略相似相似尚如此何況真箇是子奉使
關西見郵壁書此愛而誦之故海上作濁醪有妙理賦
曰嘗因既醉之適方識此心之正此老氏言心之正與
孟子言人之性善何異並同前

舒王當位多進用文士蘇軾廬中甫作詩以見志云青衫
白髮病參軍旋難官報買酒尊但得有錢留客醉何須
騎馬傍人門雅言雜載

杜祁公致政後作林下書懷詩曰從政區區到白頭一生
寧肯顧恩仇雙鳬乘鴈常深愧野馬黃羊亦過憂豈是
林泉堪佚老只緣蒲柳不禁秋始終幸會承平日樂聖
唯能擊壤謳青箱雜記

李建勳年八十謁宋齊王於洪州題一絕於信果觀壁云
春來漲水流如活晚西山勢似行玉洞主人經劫在
携竿步步就長生歸高安無病而卒青箱雜載

東坡遊廬山至東林作二偈曰溪聲便是廣長古山色豈
非清淨身夜來八萬四千偈他日如何舉似人橫看成
嶺側成峰遠近看山了不同不識廬山真面目只緣身
在此山中山谷曰此老於般若橫說豎說了無剩語非
筆端有口安能吐此不傳之妙冷齋夜話

博識門

徐鉉仕江左至中書舍人時吳淑為校理古樂府中慘字

者淑多改為操字蓋章草之變錯曰非可一例言若漁
陽操者七繼切三摠鼓也補衡作漢陽操摠古歌云逮
城晏聞漢陽操音聲蕭蕭白日暗淑歎服談苑

商汝山中多麝絕愛其膻每為人所逐勢且急即自投高
巖巖裂水裂出其香就壑而死猶拱四足以保其膻李商
隱詩曰按巖射退香許渾詩云射來生香是也我類鼠
而大尾長金色川峽深山人以藥箭射之取其皮為
卧褥鞍被坐毯之用甚愛其尾既中毒即齧斷尾以擲
之惡為身患杜甫詩云我擲寒條馬見驚蓋輕捷喜緣
木狼狽之類也聲牛出西域尾長而動中國以為纓人
或射之亦自斷其尾左氏所謂雄雞自斷其尾同前

李義山詩小兒烹茶面曲池白鬚道士竹間棋何人書破
蒲葵扇記着南窓移樹時蒲葵扇出謝安傳然人不知
其何名蒲葵蘇子容云援攔也出廣雅今衢信宣歙間
扇是也謂彩似蒲葵爾詩史

梅聖俞河豚詩云春岸飛楊花永叔謂河豚食楊花則肥
韓渥詩柳絮覆溪魚正肥大抵魚食楊花則肥不必河
豚

隴西地名魚龍出石魚掘地得石破其中有魚痕鱗甲纖
悉皆具燒之有魚氣蓋魚乾泥而變為石衡州亦有無
異隴西者故杜云水落魚龍夜山空鳥水秋正隴州詩

南部烟花錄文理極俗又載陳叔寶詩云陽如有意偏